

四部叢刊

后山詩集

165

四部叢刊初編集部

后山詩註

十二卷

據商務印書館一九二六年版重印

四部叢刊初編（一六五）

后山詩註 宋陳師道撰、宋任淵註

上海書店印行

上海福州路四二四號

上海影印廠印刷

上海涵芬樓借江
安傅氏雙鑑樓藏
高麗活字本景印
原書板匡高營造
七寸寬四寸

彭城陳先生集記

門人彭城魏衍撰

先生姓陳諱師道字履常一字無已彭城人幼好學行其所知慕古作者不為進取計也年十六謁南豐先生曾公鞏曾大器之遂業于門元豐四年神宗皇帝命曾典史事且謂脩史最難申敕切至曾薦為其屬朝廷以白衣難之方復請而以憂去遂寢太學又薦其文行乞為學錄不就樞密

章公惇高其義冀來見特薦于朝而終不
一徃元祐初翰林學士蘇公軾與侍從列
薦乃官之俾教授其鄉未幾除太學博士
言事者謂先生嘗謁告詣南都見蘇公為
私遂罷移潁州教授紹聖初又以餘黨罷
換江州彭澤令未行丁母憂寓僧舍人不
堪其貧暨外除猶不言仕者凡四年左右
圖書日以討論為務蓋其志專欲以文學
名後世也元符三年除棣州教授隨除祕

書省正字將用矣歿於建中靖國元年十
二月之二十九日年四十九友人鄒公浩
買棺以殮朝廷特賜絹二百匹嘗與往來
者共賻之然後得歸初先生學於曾公譽
望甚偉及見豫章黃公庭堅詩愛不捨手
卒從其學黃亦不讓士或謂先生過之惟
自謂不及也先生既歿其子豐登以全藁
授衍曰先實知子子為編次而狀其行衍
既狀其行矣親錄藏於家者今十三年顧

未敢當也衍嘗謂唐韓愈文冠當代其傳
門人李漢所編衍從先生學者七年所得
為多今又受其所遺甲乙丙藁皆先生親
筆合而校之得古律詩四百六十五篇文
一百四十篇詩曰五七雜以古律文曰千
百不分類衍今離詩為六卷類文為十四
卷次皆從舊合二十卷目錄一卷又手書
之竊惟先生之文簡重典雅法度謹嚴詩
語精妙蓋未嘗無謂而作其志意行事班

班見於其中小不逮意則弃去故家之所
留者止此昔漢楊雄作太玄法言箴賦如
劉歆號知文始敬之後而短毀謂其必傳
者桓譚一人而已先生之文蚤見稱於曾
蘇二公世人好之者猶以二公故也今賢
士大夫競收藏之則其傳也奚待於衍耶
後豈不有得手寫故本以證其誤者則不
肖之名因附茲以不朽為幸焉其闕方求
而補諸又有解洪範相表闡微彰善詩話

叢談各自為集云政和五年十月六日謹記

建中靖國辛巳之冬雲別涪翁於荊州
翁曰陳無已天下士也其讀書如禹之
治水知天下之脉絡有開有塞至于九
川滌源四海會同者也其論事救首救
尾如常山之蛇其作文深知古人之關
鍵其作詩深得老杜之句法今之詩人
不能當也子有意學問不可不徃掃斯

人之門雲再拜受教明年春至京賢士
大夫出涕相吊曰無已亡矣雲驚嘆失
聲痛恨無窮洎來彭城求先生詩文且
四年僅見一二最後得昌世所集凡六
百五篇琮璜珎瑀貫列大備雲曰幸矣
至寶不歿乃今有獲因記涪翁之語錄
以示昌世自昔名世之士著書立言必
賴其徒傳之文中子講道河汾以續六
經房魏之倫皆北面受業及登廊廟不

能顯傳其書卒以泯絕論者至今惜之
昌世先生之高弟操行文章雅善先生
之風雖隱約布韋而所立絕人不苟徇
合故能蒐拾遺文成一家之言又序先
生出處之大節其辭蔚然讀之使人凜
凜增慕然先生之道必傳於後世者昌
世之力也千載之下可以知其賢矣政
和丙申正月甲午元城王雲題

后山詩註目錄

年譜附

天社任淵

讀后山詩大似叅曹洞禪不犯正位切忌
死語非冥搜旁引莫窺其用意深處此詩
註所以作也近時刊本參錯繆誤政和中
王雲子飛得后山門人魏衍親授本編次
有序歲月可考今悉據依略加緒正詩止
六卷益以註卷各釐為上下作之有謂而
存之可傳無恠夫詩之少也衍字昌世作

后山集記頗能道其出處今置之篇首後有學者得以覽觀焉

第一卷

元豐六年癸亥

妾薄命二首

后山自注曰爲曾南豐作○后山學於南豐曾

鞏子固南豐卒於元豐六年此篇必是時所作今以壓卷亦推本其淵源所自

元豐七年甲子八年乙丑

送外舅郭大夫槩西川提刑

按實錄元豐七

年五月朝請郎郭槩提點成都府路刑獄此詩未必是時所作姑以除官歲月爲次後多倣此

送內

別三子

右二篇后山妻子從郭槩入蜀時作

寄外舅郭大夫

城南寓居二首

詩有韋杜城南村之句韋曲杜曲屬長安

當是后山送其妻子入蜀後遂客寄關中或云熙寧間作

憶少子

元祐元年丙寅

是歲后山在京師

絕句

詩有陳州門及蘇禮部之句陳州門在汴京時后山旅寓於此

其春東坡爲禮部郎中

寄外舅郭大夫

詩有之句

神母仁如堯哲宗即位

宣仁太后垂簾之明年也

贈蘇二公

南豐先生挽詞二首

暑雨

送江楚州

送江端禮

季共

晁無咎張文潛見過

次韻荅邢居實二首

元祐二年丁卯

春夏后山在京師按實錄元祐二年四月乙巳

徐州布衣陳師道充徐州學教授
以東坡傳堯俞孫覺之薦也其年
官赴

丞相溫公挽詞三首
司馬溫文正公
元祐二年正

月葬此詩蓋
是時所作

次韻荅學者四首
次韻秦觀聽

雞聞鴈二首

嘲秦觀

和豫章公黃梅二首
黃魯直家於洪
州分寧之雙井

洪
次不倫姑從其舊
豫章郡此篇編